

**Muhammad al-Xorazmiy nomidagi Toshkent axborot texnologiyalari
universiteti va O'zbekiston Respublikasi Jamoat xavfsizligi universiteti
o'rtasida hamkorlik to'g'risidagi
MEMORANDUM**

Muhammad al-Xorazmiy nomidagi Toshkent Axborot texnologiyalari universiteti va O'zbekiston Respublikasi Jamoat xavfsizligi universiteti keyingi o'rinlarda **Tomonlar** deb ataluvchilar, kadrlar tayyorlash, qayta tayyorlash va malaka oshirish sohasida, shuningdek, ilmiy salohiyatni oshirish, ilmiy loyihalarni hamkorlikda bajarish bo'yicha Muhammad al-Xorazmiy nomidagi Toshkent Axborot texnologiyalari universitetining Respublikamizda tutgan o'rni va rolini alohida e'tirof etgan holda, amaldagi qonunchilik, tomonlarning mavjud vakolatlari hamda ularning o'zaro manfaatlarini doirasida va teng huquqlilik printsipligiga asoslangan holda quyidagilar to'g'risida kelishib oldilar:

1-modda

Ushbu Memorandumning maqsadi ta'lim sohasida kadrlar tayyorlash, qayta tayyorlash va malakasini oshirish hamda ilmiy-tadqiqot faoliyat yuzasidan ikki tomonlama hamkorlik munosabatlarini tartibga solish hisoblanadi.

2-modda

- Tomonlar o'zaro hamkorlikni quyidagi yo'nalishlarda amalga oshiradilar:
- ilmiy-tadqiqot metodologiyasi, axborot texnologiyalari sohasida pedagogik mahoratni oshirish va boshqa yo'nalishlar bo'yicha tajriba almashish maqsadida uslubiy hamkorlikni tashkil etish;
 - ilmiy-tadqiqot loyihalarini hamkorlikda bajarish;
 - ta'lim sohasida pedagogik-psixologik muammolar, milliy, mintaqaviy va xalqaro xavfsizlikning dolzarb masalalari bo'yicha ikkala tomonda tashkil etiladigan ilmiy tadbirlar (seminar, ilmiy-amaliy konferensiyalar, davra suhbatlari va h.k.)da tomonlarning vakillari ishtirok etishi;
 - O'zbekiston Respublikasi Jamoat xavfsizligi universitetida ilmiy salohiyatni oshirish maqsadida, O'zbekiston Respublikasi normativ-huquqiy hujjatlarida belgilangan talablarga muvofiq, harbiy xizmatchilar falsafa doktori (PhD) yoki fan doktori (DSc) ilmiy darajasini olish uchun ochiq mavzulardagi dissertatsiya tadqiqotlarini Muhammad al-Xorazmiy nomidagi Toshkent Axborot texnologiyalari universitetida mustaqil izlanuvchilik shaklida hamkorlikda amalga oshirish;
 - Tomonlar tegishli yo'nalishlar bo'yicha o'zaro masofaviy ta'lim tizimini joriy etish, ilmiy va amaliy yutuqlarni amaliyotga tadbiq qilish; ochiq dars va master klass mashg'ulotlarini hamkorlikda tashkil etish.

Mazkur hamkorlik masalalari O'zbekiston Respublikasi qonunchiligiga zid kelmasligi lozim.

3-modda

Ushbu Memorandumni amalda tatbiq etish bilan bog'liq moliyaviy masalalar tomonlarning kelishuvi asosida har bir holatda alohida hal etiladi.

4-modda

Mazkur Memorandum doirasida qabul qilingan ma'lumotlarni uchinchi tomonga taqdim etish yozma tartibdagi kelishuv asosida amalga oshiriladi.

5-modda

Tomonlarning hamkorligi to'g'ridan-to'g'ri aloqaga chiqish orqali amalga oshiriladi.

6-modda

Ushbu Memorandum tomonlarning zimmasiga hech qanday yuridik yoki moliyaviy majburiyatlarni yuklamaydi.

7-modda

Memorandum doirasida yuzaga kelishi mumkin bo'lgan har qanday qarama-qarshilik yoki kelishmovchiliklar tomonlarning maslahatlashuvi orqali hal etiladi.

8-modda

Mazkur Memorandumga tomonlarning o'zaro kelishuvi asosida tayyorlangan yozma ko'rinisdagi bayonnomalar orqali o'zgartirish va qo'shimchalar kiritilishi mumkin.

9-modda

Memorandum doirasidagi masalalar yuzasidan to'g'ridan-to'g'ri muloqotga kirishuvchi mansabdor shaxslarning ro'yxati o'zaro almashiniladi.

10-modda

Ushbu Memorandum imzolangan sanadan boshlab kuchga kirib, 5 yil davomida amalda bo'ladi. Agar tomonlardan biri boshqa tomonga uning amal qilish muddatini tugatish haqida uch oy oldin yozma ravishda xabar bermagan taqdirda, o'z o'zidan amal qilish muddati keyingi 5 yillik muddatlarga uzaytirib boriladi.

Memorandum tugatilgan holda, barcha amaldagi loyihalarning bajarilishi, tomonlar o'zgacha qaror qilmasalar davom etadi.

Memorandum Toshkent shahrida 2022 yil "___" _____ sanasida ikki asl nusxada, ularning har biri o'zbek tilida tayyorlandi.

**Muhammad al-Xorazmiy nomidagi
Toshkent Axborot texnologiyalari
universiteti rektori**

Maxkamov Baxtiyor Shuxratovich



Toshkent shahar,
Amir Temur shox ko'chasi 108 uy
Tel:(71)238-64-15
e-mail:info@tuit.uz

**O'zbekiston Respublikasi Jamoat
xavfsizligi universiteti boshlig'i**

Rustambayev Mirzayusup Xakimovich



Toshkent viloyati, Zangiota tumani,
Chorsu qo'rg'oni, 1/1
Tel:(71)230-32-71.
e-mail: mg hti@exat.uz

Yuzist: Shagimova J. Tojibayeva info@mgjtu.uz